

Filipai

1 ¹I dere aŕeta, Yesuné kutó diratere wh̄i Pol-ró Timotitamone dīa Filipai be huluamó Tale Yesu Kerisoné kae betero betere so wh̄irapepaekélé, Keriso so wh̄i t̄eteróló kaae tare wh̄irapepaekélé, mepaae Keriso fake so wh̄i sek̄i ala depa taosu betere wh̄irapepaekélé, dapa wosae.

²Dane Aya Kótóro Tale Yesu Kerisotamo tuamó kaaróló wou betere hāle hamokoróló tao sere alaró hosaa muni deyóló mo dua betere alatamo dīapaae erótu beterōpóló yae.

Mo kée yóló Talepaae momayale fo

³⁻⁴Yālo dīa tué yó taruraalu, e t̄eteróló kaae tare Kótópaae mo kée yóló moma yó tare dok̄o e hekesené sukutu, dīa feamó momarótu beterōpó.

⁵Ti noatepae, take e dīa beterepaae sókó wóló Yesuné mió wosetere kisi fo wisi dīatamo fea betamó titiyóló bitu, yó maté fu betepa diaāo e tao siré wóló miókélé ai alatóro yó tapa, mo kée yóló hāiné sukutu beterōpó.

⁶Dīa tuapaae ai erótu betere wisi ala kaarale sek̄nétei mo ti eraté fóló tuamó taaréni, Yesu Keriso wale sukamó sókó fóló kemeraalopóló, yālo mo diriyóló tuérapó.

⁷Dīa fea yālo hosaa tuamó muluraalu, diaāo du betere ala kolóló e hekesené sukutu betere alata doni, mo wisirapóló kiswa mutapó. Ti noa betené meipó. E *sein* képiné dokóló *dipula* bitukélé ó belapaae mo kuturaalukélé, Kótóné mió wosetere fo wisi hāle fo nisiyóló só deróló aluyaqsóro, mo diriyóló tué muópóló momó du momó du yó tapakélé, Kótóné ama hāle hamokoróló tao sere ala dīa feané epaaekélé eróo, yālokélé dīapaae eróo, du betere ala hāle yó tarapó. Ti atéro titiyóló bitu du betere ala kilituraalu, e hekesené sukutapó. ⁸Yesu Kerisoné yaala sókó fu betere ala e tuamó muluraalu, dīatamo betenée yóló hosaamó su beterōpó. Até enée yóló mutere kiswa Kótóné kolóló ama mopó enérapó.

⁹Yālo dīamó momatu betere bete i ape. Kótóné ama ere alata, tómó mole nisi yaqsóro, a betemó kaaróló wale ala wisinaale mo turó kiswa duraalu, diaāo yaala sókó fu betere ala mo ti fakeraté fópóló momarótu beterōpó.

¹⁰Diā até deté fu bituraalu, kae kae yaaire alarape mupatei, mo bete mole ala tuē yǫpóló momarótu beterapó. Ai du betere alata, me alatamo hosekéni, mo wisi alamaaté yó taté fóló, Yesu Keriso wale sukamó me alakélé muni, mo donore so whi beterapó yǫpóló, momarótu beterapó. ¹¹Yesu Keriso tuamó kaaróló sókó wale ala wisi nokole ɔla ke bulure kaae, diā tuamó mo donoi ala wisi atéro buóló ɔapa so whi feané kilitu, Kótóné ama kae ere de wisinaale mulapóló ama doi hale horaalopó.

Pol dipula beterale alané Talené fo yó melaairetei fakeralepó

¹²Térapa norape-ó, ɔpaae erale alané Kótóné mió wosetere fo wisi kejréni, mo ti fakeraté fu betaleteti diaaɔ tuē yaasepóló i dapa wosae. ¹³ɛ Yesu Kerisoné fo erótu betale alamó, atimané ɔ *sein* képiné dokóló *dipula* betaleteti, topo whi bitua dere be wisimó betó mole diki tare whiɔraperó mo whiɔrape featamoné kolóló kisipa yalepó. ¹⁴Talené ala tuamó betó mole mepaae norapené ɔ *sein* képiné dokóló *dipula* beterale ala kolóló, atima wiyóló taaréni, halaainé bituraalu, Kótóné fo eraai doasi keteke butu beterapó.

¹⁵Tétu betepatei, mepaae whiɔrapené dei tuē muóló alale suraalu, Yesu Kerisoné dere ala i ape yóló yó mótu betóo, mepaaené ti mo wisi tuéɔtóró muóló yó melóo du betereiteita, mo dapó. ¹⁶Ai wisi tuē mulu yó mótu betere whiɔrapené kale mió wosetere fo wisi eraairaalu, ɔ *dipula* betéro beterapóló tuéru, yaala sókó fóló yó mótu beterapó. ¹⁷Tétu betepatei, kale dei tuē mutere whiɔrapené hosaa tuamó atima doi sóró horaaire kisipa mulu, Yesu Kerisoné ala eratere aɔyóló yó mótu beterapó. Ti aita haɔe mei, ɔ *sein* képiné dokóló *dipula* betepa, ɔpaae sekɔi ala eraalo nisyóló, du beterapó. ¹⁸Tépateti kapala ala depakélé, ó mo dere alakélé ó kae kae ala depakélé, aita me ɔlameipa, mo doasi topo ala betá i ape. Yesu Kerisoné dere ala i ape yóló so whi feapaae yó mótu betere alata, mo doasi bete mulapó. Atétu betere alamó ɔ haíné sukutu betereitei taaréni, mo haɔe yótóró tawaalopó.

¹⁹Ti noatepae, diané moma yó tare alaró Yesu Kerisoné dotɔyale Deɔi Kepe wisitamóné tao sóró erótu betereiteimó, ɔpaae erale ala fea deté wóló kemene wouraalu, ti ɔ *dipula* betereitei taaróló, haɔe fǫpóló sokaalopóló kisipa mutapó. ²⁰ɛ betepa ó sukutepakélé Talené halaaratepa halenipó. Aténi, take bitiré wou yale kaae, mió yaɔo tikimó erótu betere ala so whiné kilitu, Yesu Kerisoné doi hale sóró horateretei kelenée kisipa mutu beterapó. ²¹Ti noatepae, yaɔo kisipané ɔ betere beteta, ti Yesu Keriso aɔtórótípó. ɛ sukutepakélé me ɔlameipóló mo kée yaalopó. Mió i haɔtu betere ala bosenóló mo doa haíné sukutu betaalopóló kisipa mutu, mo kée du beterapó. ²²ɛ etéro haɔe bitirétamo fu betepa, ti yaɔo i ditu betere kutó mo du oleraalo ai ape. Ti etei kisipa motei, tu tamo moleteiné mé tuɔpaae faaloró ɔ mo diriyóló tuénipó. ²³Atéro mutere kisipané yaɔo

tiki tuʻamó tekéetamo dapó. Tépateti, yaʻlo kisipané mo doasi alata, ʻe sukóló fóló Yesu Kerisotamo betepa, ti mo wisirapó kisipa mutapó. ²⁴Ténépateti, yaʻlo diʻa yaʻyaʻre ala tao saairalu, ʻe diʻatamo betere ala doni, mo wisirapó. ²⁵ʻE sukuni, diʻa featamo betamó bitiré faaireteiné diʻa hajné sukuturaalu, diaaʻo tuʻé tiki tiratere alakélé mo diri deté faalopóló kisipa mutapó. ²⁶Atéturaalu, ʻe diʻatamo betamó betereiteiné, ʻe kilitu Yesu Kerisoné yale ala wisimó a dukiróturaalu hajtere ala diʻa tuʻamó mo ti faʻayaalopó.

²⁷Me noa alakó ʻepaae eratepakélé diaaʻo ai du betere ala taaréni Yesu Kerisoné mió wosetere fo wisi sya fóló eratere wh̄itóró betae. Atépa, diaaʻo ʻe alupa yale ala ó ʻe diʻa beterepaae wapakélé keleralemó me ala kae ini, mo betʻa alatóró epa kelaalopó. Diʻa fea betʻa kisipa muóló diriyóló betóo, diʻa mo betʻa wh̄i kaaetóró bitu, Talepaae tuʻé tiki tiratere ala etérópóló yó melóo, du betereitei yaʻlo kisipa yaalopó. ²⁸Atéru, diʻatamo bóe du betere wh̄irapené diʻapaae kae kae sekeʻi alarape eratepakélé wiyaalomeipó. Atétere ala atimané kilitu, Kótóné dʻa mo ti doróo, atima aluyaʻsóró tao sóo, yaairemó dere fareyópupóló atima kisipa yaalopó. ²⁹Ti noatepae, Kerisoné ala eróturaalu, ʻepaae tuʻé tiki tiratere ala maaté yópóló ini, ama doimó doasi sekeʻi alakélé sópóló melalepó. ³⁰Ti ʻe Kótóné ala erótu betereimóte, ʻepaae kae kae sekeʻi ala eraletei diaaʻo kelalepó. Miókélé betʻa kaae seketóró su beterapó dere fo diaaʻo ai wosetere ape. Diʻappaekélé atei alatóró erótu beterapó.

Kerisoné ama yale ala s̄uróló enérápóló ere fo

2 ¹⁻²Diʻa Yesu Kerisotamo touyóló betamó betereiteiné ketekeʻ bulatere ala eróo, ama yaala sókó fole alané dʻa haj kisipa mulóo, Deʻi Kepe Wisi dʻa fea tuʻamó betereiteiné mo betʻa alatóró eróo, k̄olené sukutu naameyóló mo dua betóo epa, ti ʻe mo doa haj yópóló, i ala yaasepóló dapó. Diʻa fea Talené ala eróturaalu kae kae tuʻé muni, dere alakélé yaala sókó fole alakélé, ketekeʻ bole alakélé, mo betʻa alatóró yaasepóló dapó. ³Diaaʻo me ala duraalu, ʻetóróti doasi wh̄i betaai dapóló kisipa mutu, u t̄eterótu i t̄eterótu dere ala ó me bete munipatei ʻe betʻa mo wh̄i wisi beterapóló kisipa muaqsé. Téni, naaotei yaʻ t̄eteróló dua bitu, mepaae so wh̄i dukiróló atima aqmó beterapó kisipa muae. ⁴Diaaʻo séle séle dere alamaaté kisipa muóló kaae tani, diʻané dere ala wisiyóló kaae taru dere kaae, mepaae so wh̄ikélé tao sóró atima kisipa mole alakélé wisiyóló kaae tawae.

⁵Diaaʻo hosaa tuʻamó mole kisipata, Yesu Kerisoné kisipa kaaetóró muóló betae.

⁶⁻⁷Ti ʻaʻta, ama ere ala kae mei mo take betere Kótó bitu, ama ere alakélé Kótótamo betʻa ala eretei, atéro bitirétóró fu betaaitapóló kisipa muni, amatei aʻ belei alée fóló, mo kutó diratere wh̄i s̄u betalepó.

- Atéro betepa, mo so whjné ʔ kilituraalu, mo whj́póló kisipa mualepó.
 Atéro ama dere ala fea amatei ʔ haepaae deróló beterepó.
- 8 Atéru, Kótóné fo aqómó sukóló bitiré fóló sukutere alapaae sókó felepó.
 ʔ atéro sukuturaalukélé mo whj́ sukutu dere kaae ini, atimané
 ʔpaae kisipa tiki mo fomaakei ala eróló, filipaaró betere ni
 tómó sukʔlepó.
- 9 Amatei ʔ atéro derale betené, Kótóné ʔ tao sóró fea ala fea ama
 t̄teróló kaae tanq́póló beteróturaalu, kae kae doasi doirape
 mupatei, ama doi doasi Tale mulalepó.
- 10-11 Até yale betené mené Yesuné doi depa, hepen bemó betó mole *ensel-*
nékélé i haemó betó mole so whj́nékélé, i hae aqró betó mole so
 whj́nékélé, ama doi woseturaalu, bukutiri teʔró bitu, Yesu Keriso
 ʔta Talepó yaalopó.
 Téturaalu, Alima Kótóné ama ere ala wisinaale hʔkeamó mulaalo
 ai ape.

Diʔ tuʔmó hqrené d̄ kaae d̄yó falq́póló yae

12 Térapa, ʔalo mo hosaa mole no nerape-ó, Kótóné ama diʔ tuʔpaae eraai
 kisipa mole ala wisi ai erótu betere ape. Diʔ ̄tamo betʔmó bitu, diaaʔ ʔalo
 dere fo wosóló eraté wale kaae, mió ̄ alupa diʔsisi bitukélé, Kótópaae wiyóló
 ʔ aqómó sukóló bitu, diʔ aluyaqsóró tao sere ala du wisi oleyq́póló eraté fu
 betae. 13 Ti noatepae, Kótóné kisipa mole ala sya furaalu, ama fo wosóló
 eraaire kisipa wisiró ketek̄tamo amatei diʔ tuʔpaae mo s̄rótu beterapó.

14 Diʔ Talené ala eróturaalu, mené dere ala kilitu hqko dapóló eratere
 foró fonétei u só derótu i só derótu dere alatamo momókó ʔaʔse. 15-16 Ti
 aita hʔle mei, me alatamo hosekényi mo wisi ala maaté du betere so whj́
 betepa kilitu, Kótóné naale senaale beterapó yq́póló i dere ape. Diʔ atéro
 betepa, mió i alimó betó mole so whj́ wuliné t̄ kaae kotereteiné atima
 dere alakélé mo sonaalérapó. Diʔ atei kaae so whj́ tuʔmó bitu, mo ti
 betaaire fo wisi so whj́ feané wosq́póló hʔkeamó yó mótu betepa, ti diʔ
 ó s̄mó daae mole hqre d̄ru ere kaae, atima tuʔmó d̄rótu betenérápó.
 Atépa, ti Yesu Keriso wale sukamó, ̄ bopé fakeyóló halaa yaaire beteta,
 ti diʔ tuʔmó ʔalo diale kutó hʔle ini, du wisi olerapó yq́póló kisipa mutu
 dapó. 17 Atépatei, diaaʔ tū tiki mo ti tiró bitu Kótóné ala eraté fq́póló,
 Talené fo diʔpaae eraté felepó. Atéyale alata, *wain* w̄i felé k̄laa Talené
 k̄lumupaae fq́póló sipaae sunée falótu dere kaae, ʔalo betere bete diʔ
 tao suraalu sukutepa ti me ʔla mei, diʔtamo hʔiné sukóló mo kée yaalo ai
 ape. 18 Atérapa, diʔkélé ̄ dere kaae hʔiné sukutu mo kée du betenérápó.

Timotiró Eparataitas-tamo dotonaai yale fo

19 Tépatei, d̄ t̄teróló kaae tare whj́ Yesuné kisipanétamo Timoti diʔ
 beterepaae wq́póló epa, ti ʔ hapale wq́póló dot̄yaaai kisipa mutapó. Ti

ąta, diaaą du betere ala kolóló ępaae ene wapa wosetu, ę haǵné sukąai dapó. ²⁰Ti Timoti ąta, dią mo wisiyóló beterópóló kisipa mutu betere whǵpó. Ama kisipa kaae mole whǵ mekókélé ętamo imó bitinipó. ²¹Ti noatepae, i betó mole so whǵ feata, Yesu Kerisoné ala eraai kisipa muni, mo atimané yaaitere alamaaté kisipa mutu beterapó. ²²Téretei, Timotiné ama du betere ala diaaą kąae kolóló kisiparapó. Ti ąta, betą naale ama alimatamo kutó betąmó ditu betere kaae, daąmo wusuró Talené mió wosetere fo wisi ketekę buóló erótu beterapó. ²³Atérené ępaae eraaire alapi kolóló, kǵlipaaeta ti ą dią beterepae hapale tėti dotęyaaı kisipa mutapó. ²⁴Téró, ękélé Talepae tuę tiki tiróló bitu, dią beterepae mo hapale waai kisipa mutapó.

²⁵Atéyaaitei, ąąlo no Epararataitas dią beterepae fesaae wópóló, mo dotonaaı kisipa mutapó. Ti ąta mo whǵ mei, daąmo betą kutó diter whǵ bitu, Talené alamó bóe daai ętamo titi du betere sekępó. Ti ąta, ę sekę yaqsóró, mepaae ąąąre alarape tao sene wópóló diaaą ę beterepae dotęyale whǵ wisinaale ai ape. ²⁶Ti ama dią fea kelenée kisipa mupatei, diaaą Epararataitas ą kisiné sukóló mulapó yale fo wosaletiné ama tuę sekeyalepó. ²⁷Ti aita mopó. ą mo felekemó sukąai yaletei, Kótóné kǵlené sukuturaalu tao sale alata, ąpaae maaté erénitei, ę dekené sukutere ala dekaaporóló muaqsóró Kótóné ękélé kǵlené sukutu, ą tao sóró kepaaraletiné mo kée dapó. ²⁸Atéreteiné, ą mo miótitei dią beterepae wópóló dotęyaaıraalu, kisipa mutapó. Ti haǵle mei, diaaą ą kolóló haǵné sukó, ękélé whaalı du betereitei sawa feléyóló betóo, yaai dapó. ²⁹ą wapata, dią Talené ala tuąmó haǵné sukutu bitu, kǵleó yóló ą mo wisiyóló dape sae. Atéturaalu, atei kaae whǵ doasi doi muópóló hale sóró horae. ³⁰Ti noatepae, Yesu Kerisoné ala eraai wóputu bituraalu, ą mo felekemó sukąai yalepó. Ti noa betené meipó. Diaaą ę tao senépatei, tao saaire tų meipa, ama ę tao sene wóló, ama betere betemó kisipa muni, sukutepakélé me ąla meipóló ę tao sere ala betą du betalepó.

Tó tikiné dere alamó dané kisipa tirótumipó ere fo

3 ¹ ąąlo norape-ó, kemeróturaalu dere fo i ape. Tale tuąmó bituraalu, haǵné sukutu betae. Take ąąlo aseąyale fo kaae momó i dereteita, sekenipó. Me alané dią só deraqsóró seséturaalu i dere ape. Ai haąrapené dią tukó naqsóró mo hotowayóló kaae tawae.

²Ti atimata, dowi alamaaté haǵle yó taruraalu, whǵné tikimótei siri eróló, tiki dorótu betere whǵrapepó. ³Ti noatepae, take Kótóné ama so whǵpóló tiki sekaę tukóló sirirótu yale kaae, mió daǵkélé ama so whǵpóló siriró beterapó. Da atéro betere so whǵ Kótóné Dęi Kepe Wisiné fotokqratepa, ą aąmó sukóló bituraalu, doa Tale-ó yóló hale sóró horótu beterapó. Ti daąta, me ala ó me whǵ kolóló bopé fake dumitei, da tęteróló kaae tare whǵ Yesu Kerisoné doi hale sóró horóturaalu, ama ere alamó da

bopé faketu betera. Atétu, i haemó ayarapené kae kae mara mole alaró tó tikimó du betere alatamo mupatei, ai alarape mo bete mulapóló ðané tué tiki tirótumipó.

⁴É atei kaae tó tikimó bopé fake yaaire bete doasi mulapó. Mepaae whi dené ama du betere alarape bete mulapóló kisipa tiki tiratepa, ti yało i haemó dere alanétei atimané du betere ala fea mo teraae felénérapó. ⁵Ti ęta, hoko deale whi mei, yało haené deóló bitiré wóló, bokó wale be de sókó wapa, ti yało tikimó siriralepó. ęta, be kae whi mei, mo Hibru be fo bole Israel whikó Benjamin fakepó. ęta, ða Hibru so whinė ayarapené mara mole ala taaréni, mo wisiyóló sya fu beterepó. Atéro bitu, Kótóné yóló muló betere fo dosayóló bete mo wisiyóló sya fu betaletiné ę betá Farisi whi betera. ⁶Atérraalu, me kae kisi alané ðané ayarapené du betale ala aluraşóró, mo ketekeş buóló Keriso fake so whitamó bóe dóló susupurótu betalepó. Atéturaalu, Kótóné tukóló muló betere fo yało eraté fu betepa so whinė kilitu, me ala haşókó fele whipó fo ępaae mo inipó.

⁷Atétu betale whitei, take yało doi muale alarape taaróló mió Yesu Kerisoné ala sya fóló eróturaalu, ai alarape fea hałe ęla aęralepó. ⁸Ai alamaaté meitei, ę teęeróló kaae tare whi Tale Yesu Keriso ęta, mo bete mole alané Talepóló, ę tué yaaitere ala doasi ketekeş buóló deté furaalu, mepaae ęla ęla fea bete muni, mo hałe taae fatere ęla kaaené kelerapó. Ti Yesu Keriso ę yało Talepóló sóró beteroturaalu, yało tare ęla ęla fea taaróló, mo ti kisipa keteralepó. ⁹Kale tukóló muló betere fo sya fóló yało erótu betaletiné, Talené ępaae donoi whipó yópóló kisipa tirótumipó. Téni, Yesu Keriso tuamó bitu ępaae tué tiki tirateré kilitu, Kótóné ępaae donoi whipó erané yóló doasi kisipa mutapó. Ti ai donoi alata, Yesu Kerisopaae tué tiki tirateré betené Kótó tuamó wou betera. ¹⁰Yało hosaa tuamó Yesu Keriso mo diriyóló kisipa yaai dapó. Atéru, ę sukóló momó kepaayale fotokş kisipa yóo, ama tikimó sale kae kae sekei ala ępaaekélé eratepa sóo, ę mo dowi hale sóró sukutu yale kaae, ękélé atéro sukai tué mutereitiné Talené ę mo surópóló kisipa mutapó. ¹¹Téro, ę momó kepaayóló mo ti betere bete su yale kaae, ękélé atéro momó kepaayóló mo ti betaaire bete saalopóló kisipa mutu dapó.

Đałe molemó sókó faai sururu yóló fole ala

¹²Ti Talené ama ępaae eraai tukóló mulale alarape fea mió sóró tani, teórapó. Kótóné yało du betere alakélé wisirótu betereitei mo ti wisiréni, teópó. Yesu Kerisoné ę tuępaae eraaire ala mupa, ama ę tawóló dape salepó. Até yaletiné, ama ai eraaire ala hałe muaşóró ę dekaýóló hałe bitini, ai ala saairaalu doasi ketekeş butu betera. ¹³⁻¹⁴Norape-ó, yało ai saai du betere alata, mo turó sóró tanipóló kisipa mutapó. Tépatei, yało du betere ala betá i ape. Take deté wale alarape kisipa keteróló, tukóló muló betere ðalemó sókó faairaalu, ketekeşamo folepaaetóro fu betera.

Aita haḷe mei, e Yesu Keriso tuḡmó betepa, Kótóné eḡpaae hepen bemó mole ala wisi saai ape eretei saairaalu, muló betere ḡḷemó sókó faai ketekę buóló fu beteraḡó.

¹⁵Talené ala mo diriyóló tuęre so whi ḡḷe fea, atei kisipatóró muóló betae. Diḡkó mepaae whiné yaḷo i du betere fo tuḡmó me fokó ḡḷsókó falapóló kisipa mutepa, ti atére alakélé diaaḡ kisipa yóḡpóló, Kótóné ḡḷkearaalopó. ¹⁶Atéyaaipa kaae taru, ḡḷné kisipa sere ḡḷemótóró erótu betaalopa sae. ¹⁷Norape-ó, mepaae whiḡrapené yaḷo du betere ala kolóló sya wou betere kaae, diḡkélé atétóró yae. ḡḷné yó matere fo wosóló sya fu betere so whiné dere ala kolóló tuę muae. ¹⁸Ti noatepae, take yaḷo diḡpaae yó maté wou betale fo kaae, miókélé diḡpaae momó woletamo i dere ape. Mepaae so whiné dere alané Yesu Keriso dóló olerale nitamo bóe du beteraḡó. ¹⁹Ti ai whiḡrape atima ai ala deté fóló, mo ti aluyaaire tikipaae sókó faalopó. Atima teḡteróló kaae tare kótóta, ti ḡḷa naai ekęlere ala ai ape. Atima haleni, mo sonaalei alatei, bete mulapóló bopé faketu beteraḡó. Atimané kisipa tikikélé haemó mole alapaae mutu beteraḡó. ²⁰Tétu betepatei, ḡḷné turuku beta hepen ereteiné so whi aluyaaḡsóró tao saaire Tale Yesu Keriso a hepen be taaróló i haepaae wóḡpóló, ḡḷ faairaalu ketekę buóló kaae tawóló beteraḡó. ²¹Ti ai sekę tuḡmóta, fea ala ama teḡteróló kaae tawaaire fotokḡ mo turó bulapó. ḡḷ i haemó mo whiné daale tiki taaróló, ama mo kae daale ḡe tiki wisinaale kaae daalóḡpóló eraalopó.

4 ¹Yaḷo hosaa mole no nerape-ó, diḡpaae yaala sókó fóló mulu yaḷo diḡ mo kelené du beteraḡó. Ti diḡta, sururu yóló fóló, folosóró fole whiné topo tao suraalu, ḡḷiné sukutu dere kaae, diaaḡ du betere ala kolóló e mo ḡḷiné sukutapó. Atéyaaalopa, yaḷo diḡpaae ai yale fotóró sya furaalu, Tale tuḡmó mo diriyóló atérótóró betae.

Alale sere alamó yale ma fo

²Yaḷo ne Yuodiaró Sinteketamo-ó, diaamosisitei u teḡterótu i teḡterótu dere ala taaróló, Tale tuḡmó mo betḡ kisipatóró muóló betaeyóló diaamopaae mo dirii ma fo i dere ape. ³Atimaamota atéraḡa, sekęi ala eḡtamo wusuró beletu betere whi no kamale-ó, yaḷo yaḡpaae ai so tamo mo wisiyóló tao sae yóló i dere ape. Atimaamota, Klemen-kélé, mepaae eḡtamo betḡ kutó ditere so whikélé, ḡḷ fea Talené mió wosetere fo wisi eraairaalu, betḡmó bóe belerḡle fu dere kaae yale so tamopó. Ai so whiné doita, mo ti betó tare *buk*-mó asęrapó.

⁴Betere dokḡ fea diḡ Tale tuḡmó bituraalu, ḡḷiné sukutu betae. Momó dapa wosae, ḡḷiné sukutere ala ḡḷe yó tawae. ⁵Tale felekemó ai beteraḡa, so whi feapaae diaaḡ mo dua naameyóló du betere ala erótu betae. ⁶Diḡ mepaae ḡḷa ó alarape netéro yaaloé? yóló whaalía du betaḡse. Téní, diaaḡ yaḡḡtu betere ala fea Kótóné eróḡpóló, aḡpaae yó móturaalu mo

kée yóló, moma dere ala betā yó tawae. ⁷Atétere betené diā Yesu Keriso tuāmó betepa, me alané diaaḡ hosaaró tuē tikitamo doraḡsóró Kótóné hosaa muni deyóló dua betere alanétei, diā tipi yóló kaae tawaalopó. Ai hosaa muni deyóló dua betere ala wisinaale mo doasi sikipaae horeteiné fea so whjné tuē yaaire mo sunipó.

⁸Norape-ó, mo kemerótu i dere fo wosae. Mo ala dereteikélé, wisi kisipa maaté mole so whjné dere alakélé, mo donoi alakélé, me alatamo hoseké inire alakélé, kelaalo mo kokḡi alakélé, so whjné kolóló dukiraaire alakélé, ai dosḡayale alarape taleraḡlemó, naao yaai dere alatamo betā kaae epa, ti kelaalo mo kokḡoreteiné dukiraaire alapóló kisipa mutepa, ai ala erótu betae. ⁹Yālo diāpaae yó matepa wosale fo ó ašemó yale fo ó yālo ḡale ekei depa wosaleteti, ó yālo mo du betere ala kelené kelaleteikélé fea sya fóló erótu betae. Até depa, ti hosaa muni deóló mo dua betere ala matere Kótó diātamó betaalo ai ape.

Hāle tao sóró matere alamó mo kée dere fo

¹⁰Take diaaḡ ḡ kḡleturaalu, tao sere ala deté waletei sawa taaróló bitiré wóló, momó tao sereteiné mo kée yóló ḡ Tale tuāmó bitu, ḡajné sukutapó. Ti ita mo dapó. Take diaaḡ ḡ tao suḡtei, tao saaire tḡ me munipa tao sinipó. ¹¹I dere fota, ḡ me ḡla yāyḡtepa dumitei, mepaae kae kae seḡei alarape wapakélé me ḡla meipóló, hepée taae faróló bitiré wou betaletiné mió ḡ kisipa sóró asarapóló dapó. ¹²Atéró ḡla ḡla sḡmó mupa betere alakélé yālo kisipa yóo, yāyḡre tuāmó betere alakélé, kisipa yóo erapó. ḡla sḡmó nukulé fóo, munipa ḡale bitiré fóo, kae kae felei ala ó seḡei ala wapakélé, faleyóló betaaire kisipa saletiné mo sḡmó ḡale betenérápó. ¹³Ti ḡ fotokḡ mótu betere sekḡ tuāmó bituraalu, ai dosḡayale alarape fea yālo mo sḡmó enérápó.

¹⁴Téplatei, ḡpaae wou betale seḡei alarape diaaḡ kolóló hosaamó suraalu, dḡ feané tikimó eratapóló kisipa muóló ḡ tao su betale alata, mo wisirapó. ¹⁵Ti ai alamaaté mei, ḡ Masedonia hae kwia taaróló diā Filipai bemó betó mole so whj beterepaae wua yóló, kale mió wosetere kisi fo wisi yó melaai kaae salepó. Atéyale sukamó, mepaae be hulua Keriso fake so whjné ḡ tao sóró u mótu i mótu dere ala ini, diāné maaté ḡ tao su betale ala diaaḡ ai kisipare ape. ¹⁶Ti noatepae, ḡ Tesalonaika bemó betepa yāyḡ du betale ḡla ḡla diaaḡ ḡ tao sóró dotonótua yó tarepó. ¹⁷Ti i dere fota, diāné ḡmó me ḡlakó melḡpóló dumitei, diaaḡ take saaire dupumó kisipa mutu dapó. ¹⁸Diaaḡ Epparataitas-paae ḡmó melale fae yale ḡla ḡla fea yālo sḡmó saletiné mió mo dekéró mulapó. Aita ḡmó maleteti, Talepaae ḡale móturaalu simó bilitepa felé ḡlaa hotere kaae depa, Kótó ḡ felé kisipa mutu beterapó. ¹⁹Yesu Keriso tuāmó Kótóné ama kae ere dḡ wisinaale fḡane wisi wisi ḡla mo turó mulapó. Atére wisi ḡla ḡ tḡteróló kaae tare Kótóné diā yāyḡretei fea mo sḡmó melaalopó.

²⁰Dəné Aya Kótó ʒta, ama kae ere də wisinaale tuʒmó betereteiné ama doi doasi mulatere ala kemekélé ini, mo ti muó tanópoló yae. Mo kée.

Mo kemeróturaalu kəleó yale fo

²¹Yesu Keriso tuʒmó kae beteró betere so whɨpaae kəleó yae. ʒtamo betə́mó betó mole Keriso ne norapénékélé diʒpaae kəleó dapó. ²²Kótóné ala erópoló ama kae beteró betere so whɨné diʒpaae kəleó deretei, so whɨ fea tɨteróló kae tare doasi topo whɨ Sisané bemó betere so whɨnéta, mo doa kəleó dapó.

²³Térapa, Tale Yesu Kerisoné haʒle hamokoróló tao sere ala diʒné kepe bete tuʒpaae erópoló yae. Mo kée.